

U skladu sa članom 6.3. Zakona o prenosu, regulatoru i operatoru sistema električne energije u Bosni i Hercegovini ("Službeni glasnik BiH", br. 7/02 i 13/03), članom 33. stav 1. Zakona o osnivanju nezavisnog operatora sistema za prenosni sistem u Bosni i Hercegovini ("Službeni glasnik BiH", broj 35/04), Nezavisni operator sistema u Bosni i Hercegovini, 18.02. 2008. godine, donosi

PRAVILNIK

O ZONAMA SIGURNOSTI NADZEMNIH ELEKTROENERGETSKIH VODOVA NAZIVNOG NAPONA OD 110 kV DO 400 kV

Član 1.

U cilju zaštite ljudi, imovine te objekata i opreme elektroprenosnog sistema na teritoriji Bosne i Hercegovine, uspostavlja se zona sigurnosti za nadzemne elektroenergetske vodove (u daljem tekstu: dalekovod) nazivnog napona od 110 kV do 400 kV.

Ovim pravilnikom definiše se područje odnosno širina zone sigurnosti, kao pravila koja su na snazi u zoni sigurnosti.

Član 2.

Širina područja zone sigurnosti horizontalne ravnine za dalekovode različitog nazivnog napona iznosi:

Nazivni napon dalekovoda	Širina područja sigurnosti
400 kV	40 m
220 kV	30 m
110 kV	20 m

Zavješena krajnjih faznih provodnika su podjednako udaljena od granica zone sigurnosti.

Član 3.

Zona sigurnosti iz člana 2. ovog pravilnika, uspostavlja se za izgrađene dalekovode, nove dalekovode i objekte oko izgrađenih i novih dalekovoda.

Član 4.

Odredbe ovog pravilnika ne primjenjuju se za dalekovode i objekte koji su izgrađeni u području zone sigurnosti ili je njihova gradnja počela, do dana stupanja na snagu ovog pravilnika, a koji posjeduju važeća odobrenja za izgradnju i važeće upotrebne dozvole izdate na osnovu pismene saglasnosti vlasnika objekata i opreme za prenos električne energije (u daljem tekstu: vlasnik objekta prenosne mreže), uključujući i objekte za koje je zatražena pismena saglasnost u cilju pribavljanja upotrebne dozvole.

Član 5.

U izuzetnim slučajevima u području zone sigurnosti objekti se mogu graditi samo uz pismenu saglasnost vlasnika objekta prenosne mreže koja se izdaje u skladu sa tehničkim normativima za izgradnju nadzemnih elektroenergetskih vodova.

Član 6.

U području zone sigurnosti zabranjeno je saditi raslinje koje može ugroziti sigurnost ljudi, imovine, objekata i opreme. Radi normalnog korištenja izgrađenih objekata, vlasnik objekta prenosne mreže obavezan je da održava trasu u sigurnosnoj zoni kresanjem ili otklanjanjem raslinja bez naknade vlasniku.

Član 7.

Vlasnici i korisnici zemljišta i infrastrukturnih objekata u zonama sigurnosti, ne smiju izvoditi radove niti zahvate koji mogu ugroziti pristup dalekovodu i normalno funkcionisanje dalekovoda.

Član 8.

Vlasnici i korisnici zemljišta dužni su vlasniku objekta prenosne mreže omogućiti pristup elektroenergetskom objektu u zoni sigurnosti radi održavanja.

Član 9.

Ovaj pravilnik će primjenjivati sva nadležna tijela u Bosni i Hercegovini koja izdaju saglasnosti odnosno dozvole za izgradnju.

Član 10.

Ovaj pravilnik stupa na snagu nakon što ga odobri Državna regulatorna komisija za električnu energiju.

Broj: 487/08
18. februara 2008. godine

Generalni direktor
Omer Hadžić, dipl.ing.el.